
ВИЛОЯТ ИМОМ-ХАТИБЛАРИ ЙИҒИЛИШИ

ТАТУ Фарғона филиали мажлислар залида Ўзбекистон Республикаси Президенти Ш.Мирзиёевнинг “Диний-маърифий соҳа фаолиятини тубдан такомиллаштириш чора-тадбирлари тўғрисида”ги Фармонида қўйилган вазифаларни бажаришга бағишланган вилоят имом-хатиблари ва ноибларининг кенгайтирилган йиғилиши бўлиб ўтди.

Йиғилишни вилоят ҳокимининг ўринбосари Қ.Имомов очди.

Вилоят бош имом-хатиби Убайдулла Алиев вилоятимиздаги масжидлар ва намозхоналардаги шарт-шароитлар, кенг жамоатчилик ўртасида диний-маърифий билимларни тарғиб этиш борасида амалга оширилаётган тарғибот тадбирларига тўхталиб ўтди.

Ўзбекистон мусулмонлар идораси раиси ўринбосари Абдулазиз Мансур, Уламолар кенгашининг аъзоси Ҳасанбой Қодировлар вилоятимизда диний-маърифий соҳада бўлаётган ўзгаришлар, тадбирлар, Рамазон ойи муносабати билан бўлаётган учрашувлар, очиқ мулоқотлар, динимиз бағрикенглиги ҳақида батафсил гапирдилар. Қишлоқлар ва маҳаллаларда диний урф-одатлар, расм-русумларни бажариш тўғрисида қимматли йўл-йўриқ ва маслаҳатларини бердилар. Шунингдек, йиғилишда вилоятимиз имом-хатибларидан тушган саволларга жавоблар қайтарилди.

Йиғилишда фикҳ, ақоид илми ҳақида очиқ мулоқотлар ўтказилди, имом-хатиблар ўз фикрларини билдириб ўтдилар.

Ҳ.НУРИДДИНОВ.

2018-05-23 15:25:49